



Hr. Inatsisartunut ilaasortaq Karl Lyberth

/Maani

Aalisarnerup iluani atuisut akiliuteqartarnerannut § 36-mut atatillugu apeqqummut UKA 2010-216-mut akissut

27. oktober 2010
Sagsnr. 2010-040192
Dok. Nr. 491523

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@nanoq.gl
www.nanoq.gl

Inatsisartut suleriaasianni § 36 malillugu aalisarnerup iluani atuisut akiliuteqartarnerat pillugu apeqquteqarputit. Apeqqut uannut akineqartussanngorlugu innersuussutigineqarpoq.

Apeqqut:

Sinerissap qanittuani aalisartut inuussutissarsiutiminnut atatillugu 1.500,00 kr.-mik akiliisalerterisa kingunerisaanik aalisartunut tamanut, qaleralinnianut, saarullinnianut, saattuarnianut, raajarnianut, allanullu aalisartunut iluaqutissat suut maannamut piviusunngorsimappat?

Akissut:

UPA 2010-mut apeqqut 98-imut akissutigineqartoq innersuussutigineqarsinnaavoq, tassani apeqqutigineqarmat atuisut akiliuteqartarnerat sutigut raajat akiisa akisunerpaaffissaannut sunniuteqarsimanersoq. Apeqqummut tassunga akissutigineqartoq amerlanertigut apeqqummut matumunnga akissutigineqartumut assingusuvoq.

Tamatuma saniatigut nalunaarutigissavara nakkutilliinermut inuussutissarsiuteqartut aningaasaleeqataanerat Namminersorlutik Oqartussat aalisarnermik nakkutilliisoqarnermut ingerlatsinermut aningaasartuutaasa pitsanngoriartinnissaannut malunnartumik ikiuutaajumaarmata.

Atuisut akiliuteqartalernissaannut eqqussinermi tunngavilersuutaavoq aalisarnermik nakkutilliisoqarnermut atatillugu ingerlatsinermut aningaasartuutit ilaat inuussutissarsiuteqartut akilertalissagaat kissaatigineqarmat. Atuisut akiliuteqartarnerisa annersaat pisassiissutit nalunaarutigineqartut tunngavigalugit pisassiissutinut tonsimut 60 kr.-inik akitsuusiinikkut akilerneqartarpoq. Akuersissummut akiliutigineqartoq 1.500 kr.-iisoq eqqunneqarpoq, sinerissap qanittuani aalisartunut nammaneqarsinnaasutut nalilerneqarmat akiliutigineqartorlu tamanna ataatsimoortumik atuisunut akiliutigineqartumut ilanngullugu. Sinerissap qanittuani raajarniat akitsuummik akiliisarput. Atuisut akiliuteqartarnissaannut aaq-qissuussinermut atatillugu ukioq manna septembarip 15-ianni katillugit 11.097.000 kr.-nit akilerneqarsimammata taaneqassaaq. Taakkunannga pisassiissutinut akitsuutineersut 9.426.360 kr.-iupput avataasiortunit sinerissallu qanittuani raajarniartunit akilerneqartut 1.670.640 kr.-nit sinerissap qanittuani aalisar-

tunit allanit akiliutinut akiliutigineqartunit pisuullutik. Taamaalillutik avataasior-
tut sinerissallu qanittuani raajarniartut atuisut akiliuteqartarnerannut annerpaamik
tapiissuteqartuupput.

1. januar 2010 aallarnerfigalugu Europarådip peqqussutaa nr. 1005/2008 (IUU
pillugu peqqussut) atortuulersinneqarpoq. EU-mut tunisassiat unioqquitsisumik
eqqussorneqarnerisa unitsinneqarnissaat aaqquissuussinermi siunertarineqarpoq,
peqqussutillu kingunerissavaa Kalaallit Nunaanni Aalisarsinnaanermut Akuersis-
sutinik Nakkutilliisoqarfimmut aningaasartuutaanerulenera. Nunani allani aali-
sarnermik ingerlataqartut namminneq IUU-mit akuerineqarnissamut allagartaq
aaqqissuussineq malillugu akuerineqartussaq akilertarpaat. IUU pillugu peqqus-
sut aqqutigalugu aningaasartuutaanerusussat matuneqarnissaannut atuisut akiliu-
teqartarnerisa eqqunneqarneratigut aalisarnermik ingerlataqartut peqataalissap-
put.

Tulaassisarnerup nakkutigineqarnissaata aallartinniarnera isumaginarlugu januar
2011-mi Kalaallit Nunaanni Aalisarsinnaanermut Akuersissutinik Nakkutilliiso-
qarfik nakkutilliisunik 3-nik nutaanik atorfinitsitsivoq. Aaqquissuussineq tamanna
tamakkerluni piviusungortinneqarpat tulaassinerit misileraaffigalugit uppernar-
sarneqartalissapput pisanik pisisussanut nalunaarusiornikkut, taamaaliornikkullu
aalisartunut eqqortumik tulluurtumillu akiliuteqartarnissaq qulakkeerneqassaaq.

Ullumikkummi ullut atukkavut imaakkamik nunarsuarmi aalisarnerup nakkutigi-
neqarnissaanik piumasaqarneq sakkortusiartorluni. Tamatuma aalisarsinnaaner-
mut akuersissutinik nakkutilliinermut aningaasartuutit sunniuteqarfigai, atuisu-
nullu akiliuteqartarnerup eqqunneratigut aalisartut nammineerlutik aningaasar-
tuutinut taakkununnga aningaasaleeqataapput, tamannalu kingullertut aalisartut
soqutigisaat illersorniarlugit iluaqutaassaaq.

Inussiarnersumik inuulluaqqusillunga



Ane Hansen

Ilanngullugu nassiuppara akissuteqaat UPA 2010-98



SIUMUT INATSISARTUNI ILAASORTAAQ / LANDSTINGSMEDLEM

15. oktober 2010

Inatsisartut suleriaasianni § 36 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Sinerissap qanittuani aalisartut inuutissariutiminnut atatillugu 1.500,00 kr.-mik akiliisaler-nerisa kingunerisaanik aalisartunut tamanut, qaleralinnianut, saarullinnianut, saattuarnianut, raajarnianut, allanullu aalisartunut iluaqutissat suut maannamut piviusunngorsimapat?

Tungavilersuut:

Sinerissap qanittuani aalisartut inuutissarsiuutiminnut atatillugu 1.500,00 kr.-mik akileeppaartaler-tinniarninerinut atatillugu Naalakkersuisunit pingaarnarpaatut patsisilersuutigineqarpoq 1.500,00 kr.-mik akiliisalerup kingunerissagaa amerlasuutigut annertuumillu aalisartunut tamanut iluaqutaassasoq.

Taamaattumik matumuuna Naalakkersuisut inussiarnersumik qinnuigaakka aqqissuussinerup kingunerisaanik aalisartunut tamanut iluaqutissat suut pilersinneqarsimanersut.

Karl Lyberth, SIUMUT



KOPI

Inatsisartuni ilaasortamut Hr. Hans Enoksen (Siumut)

Aalisarnermut Atatillugu atuisunut akiliuteqartitsineq pillugu apeqqutip nr. 98-ip akineqarnera

Inatsisartut suleriaasianni § 36 imm. 1 naapertorlugu aalisarnerup tungaatigut atuisut akiliuteqartalernerat pillugu apeqquteqarputit pineqarluni, atuisut akiliuteqartalernerisa eqqunneqarneratigut raajanik tunisisitsinermi akit pitsaanerpaat anguneqarsinnaassasut.

Sagsnr. 01.28. 2010-98
Dok. Nr.
Ulloq 20. maj 2010
Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@nanoq.gl
www.nanoq.gl

Apeqquut:

Apeqqutiginigarpoq aalisarnermut akiliuteqartitsisalerup atuutilernerata kingorna, raajanik tulaassanik tunisinermi aki qaffasissaq pissarsissutigineqartannginnersoq. Apeqquteqartoq tunngavilersorpoq aalisarnermut akiliuteqartitsisalermissap atuutilersineqarnissaanut atatillugu oqallinnermi tamanna neriorsuutigineqaraluartoq.

Akissuteqaat:

Aallarniutigalugu oqaatigissavara, atuisut akiliuteqartalernerat toqqaannartumik raajat akiinut attuumassuteqanngimmat nakkutilliinerulli pitsanngorsaavigineqarnissaa siuner-tarineqarluni. Naatsersuutigineqassaarli inatsisip atuutilernerata kinguneriumaarmagu nakkutilliinerup pitsaanerulernissaa, tamannalu tunisassiat eqqornerusumik nalunaar-sortalernissaanut eqqornerusumillu akilerneqartalernissaannik kinguneqassasooq naatsersuutigineqarmat tamatumani raajat ilanngullugit.

Avammut niuerfigisartakkaniit annertusiartuinnartumik piumasaqaataavoq aalisakkanik qalerualinnillu, taakkununga raajat ilanngullugit avammut annissuineri uppersarsa-sersuisarnissaq nakkutillisoqarsimanissaallu. Tassani MSC-imik nalunaaqutsersuisar-neq erseqqissaatigerusuppara, taanna nalunaaqutsersuisarneruvoq pingaaruteqaralut-tuinnartoq pingaarutilinnut avammut niuerfiusunut appakaassinnaassagaanni, minne-runngitsumik raajanik avammut annissuineri tunngatillugu. MSC-imik aqqissuussi-neq annertusigaluttuinnartumik piumasaqaateqarpoq aalisarnerup tungaatigut aqutsiso-garnissamik aammalu Kalaallit Nunaanni aalisarsinnaanermut Akuersissutinik Nakkuti-liinermut, tassani ilaatigut raajanut aqutsinissamik pilersaarusiortoqartartussaalluni. Ta-matuma nassatarivaa sulisutigut nukissanik pissarsisoqarnissaa.

Ilanngullugu oqaatigisinnavara EU-p peqqussutaa IUU pillugu (uniqqutitsisumik, a-qunneqanngitsumik nalunaarusiorfigineqartanngitsumillu aalisarneq) tamatuma kingune-
raa, aalisakkanik qalerualinnillu EU-mut annissuineri tamani, piumasaqaatiginigarpoq, uppersarsarneqarsinnaasimassasut tunisassiarneqartut aalisarneqarsimassasut inatsi-sit naapertorlugit aalisarnerminngaannit. Peqqussut taanna Kalaallit Nunaanni aalisar-sinnaanermut Akuersissutinik Nakkutilliinermut (KANUAANA) annertusiartortunik pi-

masaqaateqarpoq uppersaasiornissamik suliaqarsimanissamut tassalu aalisakkat qaleruallillu aalisarneqarsimasut inatsisit naapertorlugit aalisarnerminngaannit.

Unamilligassat pisariaqartuusut tassaapput avammut niuerfinni akinik pitsaanerpaanik akiliisitsilluni tunisaqarsinnaanissaq. Taamaasiornikkut naggataatigut aamma periarfissaqalissalluni, pineqartumut tunisisumut akit pitsaanerpaat anguneqarsinnaalernissaat.

Raajarniarnermi tulaassuinermi pissutsit Naalakkersuisut eqqumaffigilluinnarpaat, taamaammallu qularutigineqassanngilaq pissutsit aaqqiissuteqarfigiumallugit suliniuteqartuarneput erseqqissaatigissagakku.

Inussiarnersumik inuulluaqqusillunga

Ane Hansen

Aalisarnermut, Piniarnermut Nunalerinermullu Naalakkersuisoq